

黃贊熙演講

環遊世界之感想

中華民國十五年印



編者小照

黃翊昌先生演辭序

十四年冬隴海路督辦黃公翊昌使英返國道經滬濱勛亟爲延至南洋大學致演辭辭長
亘三小時聽者無倦容越數日公以演辭稿見示屬爲之序夫黃公之辭凡東西各大國或
強或弱或治或亂如英美法日意德俄印度等政治之興廢社會之隆替風俗民情之得失
優劣鈎元提要詳叙類比聽其言讀其文者自能審辨而領略之無俟勛之喋喋然而衡量
短長取資借鑑黃公之言豈徒矜奇炫博爲英美法日意列強言之又豈徒危詞聳聽爲俄
德印度諸國言之蓋且爲吾中國言也今日之中國既無近世列強之一長幾備東西各國
之衆短羣雄割據小醜跳梁有似德川幕府時代之日本風俗澆漓廉恥道喪有似狡猾猜
忌之印度誤解自由平等一如革命恐怖時代之法國外資壓迫階級漸生共產之說流毒
國內則又幾何不步赤俄之後塵陷國家於萬劫不復之境黃公所謂舉國上下徒知目前
之私利而無遠大之謀惡勞好逸苟且偷安者我國一般國民性之腐敗此數語盡之矣至
於申論我國前途樂觀悲觀各點尤見黃公傷時憂國之心勛請得而總黃公之言曰欲救

今日之中國當學英人之守法好禮日人之奮發有爲美國之提倡實業德國之注重科學
乃可以國權統一民德敦厚學術昌明財源啓發而躋於世界各大國之列誦黃公之辭者
慎毋作霞客遊記齊諧志怪讀也

民國十五年一月凌鴻勛序於上海南洋大學

黃贊熙環遊世界之感想

中華民國十四年十一月二十日
在交通部南洋大學演講

演說本屬天才。贊熙不善言辭，所以有請演說者一概辭謝。此次承

貴校校長凌君來約，未便推却，只得勉強答應。因

貴校爲交通部所設立，同是一家，可以不作正式演說，只作家庭談話而已。本年六月間因

萬國鐵路協會在英舉行第十次會議。

隴海鐵路爲該會會員之一，由是贊熙奉令代表出席，所經各國，隨地考察，發生種種感想。

今爲諸君擇陳梗概，惟因參考各書，俱在京寓，未能用科學式報告爲憾耳。

贊熙此行，由美而歐，先過日本，由神戶至橫濱，停輪兩日，當即乘車赴東京一遊，意欲履勘前年地震遺跡，然而所能見者，直無幾何。當年高大商店，經地震陷塌者，多半已建築臨時平房。如此巨災，曾幾何時，而能恢復如是整齊者，日人辦事之能力，不能不令人佩服。日本國小民衆，土產又極儉嗇，經三四十年之經營，竟與世界各強國並駕齊驅，且爲外人畏忌。此中情形，足爲吾人研究者也。今以贊熙所側聞，日本在德川幕府時代，亦是羣雄割據，各

國政府惟恐其強。利用其智識未廣之時機。輒用挑撥手段。使其各自爭雄。彼可暗操政柄。此爲各國口授之外交心法。無怪其然。由是日本此爭彼鬥。幾無甯歲。有識者憂之。由是報界與學界同心合力。或用文字以責難。或用說辭以攻訐。謂國人若受外人指使。直是國賊。將來無論誰勝。必須酬庸。皆我國家之損失也。嗣後秉國鈞者。各自覺悟。以同類相殘。徒貽外人攫取權利之機會。於是棄干戈而言玉帛。合謀統一。擁護帝室而定國本。由此外國政客。無所施其陰謀矣。國本既定。卽力謀建設。所有立法司法行政各部分之組織。皆步效英國。蓋英國三權鼎立。在歐最稱完善。其官吏服務規則。尤爲世界所著聞。而陸軍科學以及教育各部分。乃效法德國。夫德國教育。提倡以國民爲國所有。國家之命令。國民有絕端服從之必要。其用意似以國叫民亡。民則亡。國叫民死。民則死。是爲軍國之主義也。日本國土。自身計十七萬五千方英里。與我國四川省之廣袤相等。其出產品以米麥糖茶絲煤爲大宗。絲之出產重量。每年約計三千三百萬英磅。煤之出產量。約值十二萬萬元。銷於我國者爲數不少。絲之銷路。以歐美商場。自歐戰後。由俄轉歐一途。梗阻不通。其運美者卽僱用
○○公司輪船。由橫濱起運至西雅圖。僅以九日運到。經一運到。卽由鐵路用特別快車輪

送。約以三晝夜趕至紐約。比諸特別客車爲尤速。就此而觀。可知日本對於推廣海外商務。不遺餘力。雖略舉此一斑。亦可窺其全豹矣。其國內所缺乏者爲米綿二種。多向南洋各處採辦。以應國需。每年之數。當在五六千萬元。我國雖稱爲農國。不知整頓。售與邦國。殊爲可惜。日本因此次地震。所受損失甚鉅。近年來進出口之貨。不足相抵。每年不敷之數。約在三四千萬餘元。由是人民大抱隱憂。益加奮勉。其辦事之懃懇。衣食之儉樸。房屋之潔淨。地方之整齊。應爲吾人所效法也。至於社會綱紀 *Social Discipline*。仍遵守孔子遺教。尤爲東方之特色。日本當年因海陸兩軍之用命。戰勝中俄兩國。歐美各強國認之爲一等國。固是莫大榮耀。然而國土小。所入之數有限。今欲在海上爭雄。殊非易易。英國屬地徧於五洲。對於海軍經費。常惴然焦慮。時抱不繼之憂。况日本後進之國乎。且每年中進出二數。不敷尙鉅。目下雖可向英美籌措彌縫。然終非長久之計。此亦日本今日騎虎難下之勢。外疆內訖。將來恐有破產之虞也。

環球各國。其領土較爲廣大者。除我國外。則美國俄國印度是也。美國之富。俄國之亂。印度之亡。皆足爲吾儕之戒鑑也。印度國土計二百萬方英里。不謂不大矣。人民三百兆之衆。不

謂不多矣。竟亡於小小之英國。其原因有二。其一爲回教與他教之不睦。互相傾軋。以致民族不能結合爲一體。其二印人心情狡猾。互相猜忌。尤爲英人所利用。虎俵旣多。國安不亡。故謂印度之亡。實印人自亡之可也。如此民情。證諸歐洲。殊不多見。英人告余曰。印人奴性。爲世界所罕有。彼不得志。有求於人時。雖舐人靴以獻媚而不爲恥。一旦得志。則藉外勢以欺壓國人。惟恐不力。令外人見之而欲嘔。其好訟之心。報復之念。雖傾家蕩產。亦所不計。回教中人。尤其甚也。若是同教。雖異種而相親善。若非同教。雖國人而相仇視。如此奴性之民族。安能望人不以奴隸相看待耶。是非他人菲薄之。直自菲薄耳。又云妒字。雖人情之一。然文明國人之妒。能權輕重。未有如印度人者。今欲洩一己之私憤。雖賣國害羣而不恤。人情至此。與獸奚異。印度素稱文明古國。其民德之涼乃爾。奚足言哉。贊熙聞之。始疑英人所言未免過甚。嗣至哥崙布。見其在機關上辦事之印人。對待來人。似有恃勢欺人之狀態。直與歐美民族謙和而有禮者。大不相同。民族之道德如此。欲其不亡。其可得乎。又有英人告余曰。英國在東方所得之殖民地。不過用一束之兵 *A handful soldiers*。其餘皆由彼國人民助我而成功也。余聞之。殊爲我東方民族慚愧。夫俄國之亂。乃爲天道輪環相報之理也。當

俄皇專制時代。不但屠殺猶太遺民。慘無人道。其虐待波蘭人民。亦直無法律之可言。故有虛無過激各黨應之。不甯惟是。內而貴族。外而官吏。窮奢極慾。類同羅馬之叔季。證諸政治原理。大相刺謬。以政治原理言。無論中央政府。與地方政府。必爲羣衆謀幸福。發展國民經濟。持高生活程度。此卽孔子所謂仁者己欲立而立人。己欲達而達人之遺意也。今俄國貧民遍野。政府置若罔聞。官吏驕奢如故。由是猶太人想盡法子。以圖報復。惟有共產之說。最能煽動俄國貧民之聽聞。由是乘歐戰時機。提倡革命。登高一呼。四方響應。以致今日壯者流離四方。弱者轉徙溝壑。少年婦女。流落歐美。爲倡優者。實繁有徒。較諸往日。睥睨全歐之俄國。大有霄壤之別。猶太人之報復。亦可謂酷矣。以宗教家言之。此則往日所種之惡。因而得今日之慘果。抑亦因俄民智識之卑陋。爲異族之所乘也。美國地大物博。人民殷富。大爲歐人所豔羨。自此次參加歐戰之後。尤爲世人所注目。每對於世界發生各種問題。幾有舉足輕重之勢。證以百年前英人所蔑視者。判若兩國。考其歷史。於一七七六年宣布獨立時。僅有十三州。越十三年。憲法成立。華盛頓舉爲第一任總統。彼時只有八州聯合。尙有五州。仍是獨立。目下計有四十八州之多。何能至此。應爲吾儕所當研究也。其研究次序。擬分爲

兩層。一爲政治。一爲實業。其政治方面。由提倡獨立而至於鞏固統一。計有十大人物。如 Samuel Adams 亞丹氏。以當年英國國會時加干涉。著有一篇論說。設問假使不抵抗行政長官。卽不能維持民政。如抵抗行政長官。是否視爲合法。此說一出。頗喚醒國人迷夢。 Benjamin-Franklin 弗蘭克林。爲當年主張獨立之最力者。其宣告獨立之文。雖由 Thomas Jefferson 芝弗森主稿。然由亞弗二君贊襄而成。所以美人稱之爲美國之先覺者。當美國決定獨立時。由議會召華盛頓爲主將。與英宣戰。俟戰勝議和後。華盛頓自卸兵權。宣告下野。而爲公民。所以今日美人稱之爲國父。美國因憲法問題。幾乎分裂。幸有 Alexander Hamilton and James Madison 咸密頓與密第森二君擬具憲法草案。始得結合爲一大國。美人謂當日若無此二君。則憲法會議之草案不能成立。國人亦無所制定。故稱之爲建國師尊。 Thomas Jefferson 芝弗森素不喜英。每對英人及英國政府。痛加批評。以美國人民當以美國之民情爲本。憲法不必抄襲於英。凡政黨首領有讚頌英國憲法者。卽攻擊不遺餘力。且善說辭。故美人稱之爲民政演說大家。美國當日爲黑奴問題。時生糾葛。幸有 John Marshall 馬賽爾。 Daniel Webster 韋士達。 And Andrew Jackson 則克遜三君。從中調解。

並爲中央政府計畫。建設各種國有制度。如水陸交通等。藉以鞏固中央政權。庶免人民受軍閥之蹂躪。而無處伸冤之苦。故美國人迄今稱之爲法律與輿論之鎔化家。嗣以黑奴問題。與美國憲法根本抵觸。非取消奴制。國本殊難鞏固。因之Lincoln林肯爲擁護國家與國權統一計。不惜與南省宣戰。幸而勝之。美國人迄今稱之爲護衛國權統一者。自一七七六年至一八六〇年。前後計八十四年。美國國本始得鞏固。方有今日之富強。美國新立之國。各州居民爲工商營業利害關係。各有不同。意見紛歧。自不待言。然彼十人竟能奏此不朽之功。爲後人之追念。銅像遍立於國內。何等榮耀。我國今日雖有百人。亦恐不足以動聽。何也。民之公德與智識不及人也。夫民智不齊。雖有愛國之士。提倡於前。而無人民協助於後。所以難爲功也。今就實業方面而言。美國國本雖固。若無民族力向工商兩業發展。國家自身不能生財以養民。美國今日能達如此之富足者。全由民族自強耳。如工界中最爲著名者。有鋼鐵大王之卡歷紀 Carnegie。油業大王之盧克佛魯 Rockefeller。今日汽車大王之佛德Ford。將來航業大王之大賚 Dollars。皆爲富國之實業家也。其每人各養若干萬之工人。聞此般大王。皆由工匠出身。故能深知工人中之情弊。所以能得如此之效果也。贊熙

在美國大旅館。見其所用侍者。多歐產。詢諸管事。謂美國人甯作工匠。有將來發財之希望。不願作侍者。貪圖目前之苟安。又見有大學畢業生在工廠做工者。詢其用意。渠云大學所教授者係普通原理。書本知識。距實學尙遠。非入工廠專習一部分之技術。不能得其專長。則不能與世競爭。故雖工業之普通知識。若不從事改良。又不能發明新理。則將來發達之希望遂絕。僅大學之文憑。與我何裨。贊熙聞之。大爲動容。吾國學生聞之。當作如何感想。又聞美國輿論。凡資本家必須設法能養多少工人者。方得社會之推崇。不然。雖擁數千萬之家資。亦不足爲世人所崇拜。於是資本家。各就工商界。極力經營。並就各地方設法發展本地居民生計。民族有此特性。所以美國工商業之發達。方能如此迅速。並非專靠政府爲之謀生活也。美國國土較大。所以工廠制度。亦較歐洲爲大。於我國後起之國。似不十分相宜。然其一種雄偉之氣魄。則辦實業者又不可不知。以備將來發展之地步也。查美國國土。自身爲二百九十七萬〇〇三十八方英里。內除水面五萬五千五百六十二方英里。計有二百九十一萬四千四百七十六方英里。而國內小學。竟有二十八萬一千五百二十四處之多。學生計有二千六七百萬。學堂價值。約合金洋十六萬六千二百四十四萬六千餘元。男

教習計有十二萬三千餘人。女教習四十九萬九千餘人。合有六十二萬二千餘人。其束脩每年計付金洋六萬四千七十一萬七千餘元。其公民教育之普遍。可想而知。總此而觀。國之強弱。不在土地之廣狹。人民之多寡。全在社會與政府有系統之組織。與夫民族之性情。公德、智識、以及人格之高低。體育之強弱。爲斷定。雖聖人復起。不能易吾言也。

英國原以英格蘭、威爾士、蘇格蘭、愛爾蘭四島合爲一王國。愛爾蘭於歐戰時。與英政府脫離爲自由國。今日所稱爲英國者。只英威蘇三島耳。其國土約合九萬二千四百方英里。比諸我國雲南省。尙少一萬五千五百餘方英里。由南至北。火車行程。只九點餘鐘。如此小國。而能於五洲中各有屬地。此中必有比人所長者。在焉。應爲吾人所當考察也。當年法儒孟德詩鳩。僑居英倫二十年。研究英國政治。著法意一書。讚美英國政治。卽盧梭研究政治。亦以英爲本。是英國政治之足觀。由來舊矣。英國民情。尊重自由。不但自己之自由權。不受他人非法或非禮之侵礙。自己亦不欲以非禮而侵礙他人。非是則不能保護自己自由。此卽孔子所謂己所不欲。勿施於人是也。有此民情。方能產生良善政治。英國雖稱爲王國。而其人民之自由。比諸民主共和之國。尙有加無已。如有官吏侵礙人民自由權。人民得向法庭

起訴要求政府賠償。如認爲官吏違法。政府應給賠償。如是官吏不得逞其淫威。人民視政府亦與個人無異。讀英國憲法史及法律例案。即知其詳也。英人志趣好爲商。而不好爲官。以務商自由而多金。自非官吏所能與其比擬。英人之商才。較勝於他國者。全在誠實及爽直二義。(Honest and straight forward) 所以他國人樂與交易。此英人之特長也。英人性情陰沉而堅忍。多半矜而不苟。默而不言。非有介紹。不與人接談。其涵養之深。大有喜怒不形於色之概。其守舊而憚改之性情。與我國人百步與五十步之比例耳。每遇一事。非深加研究。不肯盲從。所以英國自一六八八年革命後。國內並無他種變故。方有餘力。向國外開展商業。蓋國本固也。英國政治之著聞。以政務與事務分。凡事務官必須考取。其官吏服務規則 (Civil Service) 所定之官俸。恤金。養老各費。皆本於仰事俯蓄之人情而定。既非由夤緣或勢力而來。自應受法律之保障。苟非犯法。不能開除。所有陞轉退職。皆有定制。所以政界無鑽營之風。幸進之途。人心既定。事務乃能整理。政務亦易措舉也。英國法官之權。在解釋條文。是否犯罪。須由助理 (Jury) 評定。其司法所以能獨立者在此。是爲我國所應亟行倣效者也。英國教育。比美國較爲優勝者有其二。其一。大學教授。並不兼充政客。終身專以教育

人材爲職志。自無憤激言論。其一對於個人私德。非常注意。一舉一動。必教學生以如何爲 Gentleman。譯之華語。惟君子二字最爲切當。英國有一中學。名爲 Eton School。最爲老式。所有幼童。一入該校。卽戴高帽。着禮服。稱爲 Master。不稱爲 Teacher。蓋表示冠者之意。使彼輩自尊自重。此卽孔子所謂君子不重則不威。學則不固之遺意也。英國孤懸海外。不甚受歐洲大陸風氣之轉移。所以尙有古時之遺風也。有友告余曰。英人潔已奉公。較諸他國人似勝一籌。英國商業其能普遍於五洲者。豈徒然哉。贊熙記憶當年香港電車公司。有收票員挪用公款。祇數十元。未及補還。適遇查賬員來查公款。自覺無顏。直向房內持鎗自殺。就此一端。卽知其商業之發達。有嚴厲國法。爲其保障。非是孰敢投資於商業也。歐洲各國直接受此番歐戰影響者。俱感經濟異常之困難。英國雖比他國爲愈。然而失業之民。已達一百四五十萬之多。日前有倫敦某報登載一段新聞。謂前充歐戰之某軍官。係某將軍之子。近因退伍。無處謀生。雖欲謀充一苦力而不可得。與其妻子無以度日。迺行自戕。未斃。送往醫院醫治。其夫人述其顛末如此云。按英國今日之富源。皆由二三百年前。新得殖民地。所得商業之餘利。積蓄而來。自俄國內亂。墨西哥不靖。以及我國革命以來。各自爲政。內地交

通梗阻。因此英國於三國之商務。俱形停頓。工業自難繼續維持。加以歐洲受戰事影響。國民經濟異常困難。無此餘力購買英貨。又一莫大原因。日前英政府有提議擬將國內荒地劃出。給與一部分之無業閒民。使彼等各就農務以謀生活。惟此款甚巨。一時尙未實行。以此而觀。則知英國普通國民經濟之困難也。英國政治教育民情。固爲吾人所佩服。而其口授外交之政策。於今不變。則爲吾儕所歎惜也。其一般在我國爲官爲商。享受領事裁判之特權者。胡天胡帝。大失英國之教育。(English Culture)且傷英國之國體。而失我國人民之感情。實與英國商務妨害特甚。彼政府若不自反。設法將領事裁判權取消。何啻自戕。吾其爲英政府惜也。在華英人之惡習。我國少年受其累者。亦屬不淺。以爲此種傷辱國體之行爲。乃英國致強之道。步而效之。實爲大錯矣。

法國國土。自身計二十萬零七千方英里。比諸我國。只有甘肅江西兩省之大。居歐洲大陸之西。人民爲辣丁種。體格比諸條頓人種。較爲瘦弱。而其好戰與勇敢。爲世所著聞。秉性聰穎。好爲美術。所以法國之建築。各具有一種美術觀念。英好雄偉。失於鈍。法好美麗。失於輕。以此可知兩國之民情也。法人工於製造。拙於商業。好做放利投資。如購買各國政府債券。

所以俄國一亂。法人受損獨巨。歐洲各國之國土較小。類似我國中古戰國時代。此疆彼界。又須各蓄精銳以備戰。所費不貲。皆爲國民擔負。考諸歐史。不外四五十年。卽經一番大戰。法國居於大陸。德國爲其強鄰。於一百四十年間。德法大戰。經過三次。所以法國之政治與經濟。不如英國之鞏固也。今以事實而論。法國自鼎革以來。國本迄未十分鞏固。所以前年尙有保皇黨議員。在國會提倡恢復帝制。其民情近於輕浮。於當年革命時。因誤解盧梭理想之言論。而欲強迫施行。徒事三十年紛擾。仍不爲功。而國內之元氣大傷矣。諸般工商事業。亦因此不能舉行。未免退居他人之後。其國民經濟。亦無從而發展矣。且經此番歐戰。國內財政。更覺竭蹶。外債累累。不能清償。國稅所入。不敷所出。軍事方面。又不敢不備。循此以往。法民之擔負益重。經濟革命。恐有爆裂之一日也。法國人民產生率之程度。本不如他國之迅速。復經此次歐戰。死亡之數。或云有二三百萬之多。加以法國婦女崇尚裝飾。爲世界素所著聞。好嬉遊而憚生育。男人雖因經濟之困難。不欲成家。亦爲婦女驕奢難於應付。因此國內產生之率。不如他國。是爲法國將來國防上最大問題。推求其故。大約因魯意十四與十五兩代之奢侈遺毒。乃影響於國民也。此種奢侈之害。足爲我國殷鑒。今日尙有提倡

法國風氣著。誠未知其是何所見也。法國社會有一種習慣。實足爲吾人之模範。余在巴黎。每見婦女推輦小兒車過街時。如有警察在傍。卽擁護其過街。如婦女攜帶小孩。乘坐電車。其開電車人。亦往往代之攜抱過街。其一種扶助婦孺之精神。令人可敬。我國素稱爲禮義之邦者。僅賸紙上之空名辭耳。歐美政治家。每言治國之道。則曰 Law and Order。譯之爲法律與秩序。法律爲擁護民權而設。並非爲官吏作威之具。人所共知。無庸另加解釋。至秩序一層。實爲社會綱紀之要素。人人應有共同遵守之責任。此爲我國人所罕聞也。如在歐洲。向車站買票。必須依次序而進。如我到站時。已爲第十一人。卽須立在第十人之後。靜候到我次序。方得向前買票。不得恃強爭先。如火車進站時。所有脚夫各向站台奔走。依次站立。必須候車停定。各就其所立地步之窗口。接收旅客行李。未有向他窗口爭取之事。所有在站接客之汽車。凡先到者必在站台裏面。凡後到者必站台外面。如有搭客欲向裏面就近乘車。汽車夫必指導須向外面汽車先行乘坐。依次序到他地位。方能接客。此在巴黎車站見之。最爲有趣。無怪外人在我國。每出門口。則見車夫爭圍左右而生厭心。此種秩序。應由受過教育者。共相提倡。勿令外人謂我國無秩序之羞也。

德國現時國土。計二十萬零八千七百八十方英里。比諸我國。亦只有甘肅與江西兩省之大小。人種不但比較臘丁民族爲強大。卽比諸英國哪威瑞典丹麥之民族。亦勝一籌。不特男人如斯。卽婦女亦如是。若我華人體格與其比較。幾無自容之餘地。我國民族。是非極力設法勉勵體育。世界上將無我立脚之地也。德國民情。勤而好學。所以德國科學聞於環球。英人有言。欲研究科學者。須習德文。英人素驕傲。尙有此說。其科學之精。可想而知。英人辦事。比他國人民已稱勤懇。若比諸德人。尙有不及。如英人辦事。對於法定鐘點。異常尊重。惟一屆法定鐘點。則停止不辦。德人不然。雖星期六之下午與星期日。如有要事。仍照常辦理。彼以辦事爲娛樂之一種。故能得詣深造。此卽孔子所謂知之者不如好之者。好之者不如樂之者是也。德人不但工業認精。卽商務一途。亦爲他國人所不及。何也。各國人民多抱有一種自尊自大意見。不肯隨地方圓。此種習氣。以英人爲尤甚。德國商業。居英後進。彼自知非與所在地人民混合。不易與英競爭。所以德人到處。必學本地語言。以冀與所在地人民易於接近故也。不但商家如此。卽前津浦北段總工程司穆刺君。彼在中國年數並不久。不但通華語。且能讀華文。告余曰。伊甚崇拜李白之詩。且吟床前明月光。疑是地上霜。舉頭望

明月低頭思故鄉之句。余聞之不勝詫異。英法比三國人民。在我國鐵路供職者爲數不少。年分亦不少。其能如穆刺君者實不多見。就此一端。可見德人之用心也。余至德國參觀鐵路機車廠。與西門子工廠等。西門子經理告余曰。該廠於一八四七年創辦時。工人僅二十餘人。製造電話器用。越三十年。卽成大觀。竟將柏林城外之鄉村。變爲西門子之市鎮。所有西門子主要各廠。皆建於此。現在西門子供職者。約有十萬人之多。所有製造各廠。皆設有研究所。專爲研究。以備隨時改良與發明。非此不足與世界爭競。誠經驗之良言也。余至電線廠參觀。見該廠廠長。鬚髮俱白。告余曰。渠在該廠供職。將近三十年。是非終身專作一事。不能得此中之奧妙。卽無法以改良。發明一層。尤不足言云。德國明清地方。設有時物陳列所。所有各項交通之用品。電氣之出產品等。俱列在內。並裝有電力。隨地可以試驗。且有導者演說。使觀者得以知其究竟也。德國軍備。雖爲各國所限制。而其人民對於體育打獵。益加奮勉。以備一旦有事於疆場。得爲保衛國家。德人告余曰。吾民族欲自強。彼有何法以制我。此則詩經所謂自求多福。在我而已。大國何爲。此語望我國人特加注意。蓋強國富民。自非空口白說能見功也。余於星期日。乘輪往觀沿江名勝。見滿江皆是婦女。只穿泳水衣服。

或游泳或鬥三板。顯出一種媚氣概。我國雖男人見之。亦須退避三舍。德國雖敗。歐人無敢輕視。今以德國精明強幹之民族而論。德國尙有復強之一日。總之民族須人人立志自強。方能爲強國。並非少數人之能幹。即可爲全體之代表也。

義大利國土。自身計十一萬零六百四十六方英里。尙不及我國甘肅一省之大。其民族北強南弱。國內不產煤鐵。工業不能十分發達。近年推廣水電。以應鐵路與工業之需。出產無幾。養民非易。又處於歐洲中部。每有戰事。卽牽入旋渦。海線既長。又不能不養海軍以維持。所以義國經濟亦極困難。自現時總理 *Signor Mussolini* 就任兩年以來。工人罷工不常見。國內經濟亦漸覺進步。羅馬爲義國首都。其市面生意。賴有教皇在此。各國教士香客來觀見者。實屬不少。且教皇政府最稱富足。又有各國天主堂之捐助。所以教皇能在羅馬建築偉大教堂。如 *St. Peter*、*聖必德*、*St. Paul*、*聖波羅*、*St. John*、及 *聖約翰* 是也。歐美遊客爲仰慕義國之建築而往觀者。其數每日約有千數百人之多。聞每年遊客在義費用之數。約合我國國幣五六千餘萬元。僅此一端。能養無數國民。贊熙在義國。一見一聞。皆爲歐洲他國所罕有也。見之者。乃義國之神權也。其教堂之雄偉。爲世界所無。英國歷史家嘗云。英法交

界之海峽。最窄者爲 Dover 達華海口。計長二十一英里。假將義國聖波羅之教堂。建設於海峽之上。可以占海面過半數。其雄偉可想而知矣。其男女崇拜馬利亞聖母之虔心。視我國民族之拜神。有加無已。其婦女一入教堂。卽隨地一跪。在此祈禱。旋向神甫龕邊懺悔。如已有人在此。卽隨次跪在龕前等候。甚至一排有十餘人之多。其龕陳列庭內。約有七八處。每龕上面必標明說某國語。使來懺悔者有所適從。亦有婦女買燭進堂點者。亦有手持念珠祈禱者。五花八門。如入山陰道上。應接不暇。不甯惟是。尙有一堂。最爲莊嚴。其中設石階二十八級。上面謂之天堂。所有善男信女。一至階前。卽跪下祈禱。祈畢。卽用膝頭代步。拾級跪上。每至一級。又須祈禱。由是達樓上。謂之上天堂。余因不能如儀。未得上樓參觀。頗爲遺憾。尙有一堂。地下坎一方石塊。刻兩足印。謂爲聖必德足跡。外來教士到此。卽跪向該足跡親口。是謂敬天禮神。未可與迷信相持並論。此贊熙之所奇見也。所聞者。義國之汎繫黨也。贊熙至義國。見街上穿黑汗衫、黑領子、黑領結者。爲數不少。實爲歐洲他國所無。因詢之友人。告余曰。現總理 Mussolini 學問超羣。辦事果斷。前次嘗充報館主筆。於歐戰時。見俄國受猶太人共產之煽惑而傾國。本人民受其荼毒。罄竹難書。誠恐漫延於義。又恐國軍受其搖

惑或不聽命。彼有組織。我爲散沙。一旦有事。則國民無從抵抗。由是組織該黨。所有入黨黨員。必須盟誓保衛國家。防禦赤化。人民具有普通知識。深知赤化之害。甚於洪猛。理應各盡其力。結合大團體。共相防禦。未幾黨員至八十餘萬。適前總理因經濟困難與工人罷工各事。無法維持。乃向義王辭職。義王召伊爲總理。兩載以來。頗著成績。人民亦極力扶助。所以莠民不得逞其志。目下黨員增至百萬之衆。其辦事雖有時出於專制手段。如檢查報紙。最爲嚴厲。時時有報紙短少一張。或空一版。注明爲政府沒收。然人民以時局關係。亦爲見諒。蓋其用心。確是爲國爲民。鞏固國本。故國內人民。亦竭力協助云。此爲贊熙之所奇聞也。

比國國土。僅一萬一千方英里。不及安徽省四分之一。其國爲王國。其人民係法德兩種。其社會習慣。與法類似。其人民亦工於製造。拙於商業。自歐戰後。其經濟困難情形。達於極點。所幸國土較小。尙易支持耳。比國出產品。以織造鋼鐵琉璃各品爲著聞。比國如此小國。每年出糖。達四十二萬噸。開出煤炭。約值一萬二千二百萬元。亦可謂善於經營也。比國雖爲中立國。而在非洲。亦有屬地。名爲康古。我國人聞之。豈不爲奇乎。是望我國人勿信中立國

不侵人土地之誤解也。

荷蘭國土自身計一萬二千六百八十方英里。比諸我國。尙不及浙江省三分之一。其小可知。然其地爲牧畜者。有二百萬英畝。以漁業爲生活者。有二十餘萬人。本國無甚出產。只以工業爲人民之生活。其商業專以爪哇與蘇門塔臘所出產之烟糖爲主要。若荷蘭無屬地。則今日不能有如此小康之氣象。如此小國。亦能養海軍。保護海外屬地及商業。以此而觀。如在我國內。求如蘇門塔臘及爪哇者。不知凡幾。但因我國上下。徒知眼前之小利。而無遠大之計畫。加以好逸惡勞。偷圖苟且之安。徧重文學。輕視科學。藝術一門。尤不注重。所以不能富強。而爲世界人之所輕視也。

瑞士爲公認中立之民主國。其國土祇有一萬五千九百七十六方英里。尙不及我安徽省三分之一。其民族頗雜。德居百分之七十。法居百分之二十。義居百分之六。其他種族。居百分之四。所以定法德義三國語言爲國語。國內計分二十二府。一百八十七縣。其府縣之小。可想而知。國土雖小。而名山勝水。却比歐洲他國爲勝。歐人稱之爲歐洲之公園。洵不誣也。國內交通。如道路鐵路河道。皆整理異常潔淨。所有建築。亦皆雄偉。到處皆有旅館。所以歐

美人士樂往遊覽。此項進款。聞每年約合我國銀幣八九千萬元。瑞士人士靠此生活者。實繁有徒。其出產品。以鐘錶、絲繡、木牙彫刻品爲著聞。國法不准養兵。所有國民皆應充當民團。於歐戰時。五日內。竟能召集五十萬衆。保守邊境。其武備之組織。久爲世人所稱。爲民主國好模範。費用小而功效大。集則爲兵。退則爲民。既無虛糜國家之庫儲。亦無解散軍隊之困苦。况國家庫儲。卽人民之膏脂也。瑞士以出產之地爲牧畜者。尙不止三分之二。所以瑞士之牛乳與芝時爲天下之著聞。其樹林計佔二百十萬英畝。多半爲國家所管轄。每年新種之樹。計二百萬株。以此而觀。我國各省當道。若不事爭戰。而專爲地方設法經營。一省幾同歐洲一國。二十年間。卽可變爲富強省分。人民感戴。又當如何。今舍此不圖。所見未免不廣也。美國人告余曰。中國爲世界最古之國。古跡固多。而名山勝水亦自不少。如能仿照歐洲做法。吾美人士極願往遊。日本如彼小國。每年因遊客而得額外進款者。尙有三千餘萬元。中國地大物博。如能到處整理得法。此項收入。至少每年有五六千萬元之多。內亂不靖。使外人裹足不敢前。誠非經國之道。吾聞之黯然。

歐洲最小國莫過 Monaco。在法國南省海濱。爲君主立憲之國。其國度僅八方英里。無甚

出產。專以賭場之抽頭爲大宗收入。其賭場著名地方。名爲Monte Carlo。歐美人士往玩者。實繁有徒。其賭場之雄偉。地方之潔淨。旅館之壯麗。實足令人怡神而悅目也。詢之歐人。何以如此小國而能獨存至今。被告吾曰。歐洲近代戰事。多爲人民競爭商務而起。並非爲羨慕他國之富足或名勝。而思侵佔之。如此。亦爲公法所不容也。貴國今日。旣爲民主之國。主權當在民。此般武人專爲一己之權利。犧牲人民之權利。貴國人民。何以容之。實非外人所可解。豈國民程度不及爲共和之國民乎。如謂彼此爭奪地盤。以我法治國之人民視之。何啻我見鄰居比我富足。卽用強力佔據之。豈有此理乎。余聞之。雖爲國體計。而欲作辯護。無如證諸法理。無辯護餘地。只得赧然而退也。

歐洲除英法兩國較爲少數外。其餘小國人民。多能說三四國語言。不但男人如是。卽婦女以及旅館之看門亦然。吾在荷蘭。見烟鋪賣烟婦女。能言四國語言。伊告余曰。吾國較小。當靠商業爲生活。苟不學習他國語言。安能與他國商人交易。渠言之何等痛切。余聞之亦何等感慨。吾在義國。游覽Pompe。破碑古城。見一奧國婦女。販賣圖畫及明信片者。亦能言四國語言。異常流利。歐洲旅館之看門。及陪伴遊客之引導者。亦多能言三四國語言。吾見之。

異常慚愧。如彼輩在我國。亦必入政界爲官矣。我國青年。略習洋文三四年。其一種驕傲之氣。大有令人不可向邇之勢。往往有在外國機關上辦事。恃外人勢力。欺壓同族。令人見之而欲哭。此種習氣。環顧各國。惟埃及印度及我國人。莫怪乎英人描摹印人之惡習也。吾望我國人聞之痛改。莫效印人之惡習也。

余遇某國大學教授。前在我國多年。且能讀華文。於我國歷史亦極熟識。孔孟學說極表欽佩。謂當此時代。世界歷史。固不可不讀。各項科學。亦不可不習。然而孔孟道理。不但不應荒廢。且須依照新理。發揮以教民。方不失爲貴國自有之精神。聞日本學堂。用論語爲聖經。教其國民。貴國反以棄置。殊爲可惜。如謂孔子有君臣之一說。認爲專制。未免所見窄矣。請問君主之義何說。君者長也。英文謂之 *Chiefman*。臣者侍也。歐美所有函牘之結句。皆用

Yours Obedient Servant。卽臣之意也。卽貴國之解釋。亦以君爲長也。無論何種政體。國必有長。此與孔子之學說有何傷焉。且聞貴國學子受歐洲學說名詞錯解之累。實繁有徒。余今爲君詳加解釋。望君爲少年言之。於貴國不無裨益。夫平等之名辭。係法律上之名辭。非社會之名辭。法國憲法。已有解釋。歐洲當年有教士貴族等。享有特殊之權。幾有不受國立法

廷裁判。由是平民受其欺厭。無處可伸。因之而起革命。而爭平等。此其一。封建時代。有奴制。不得平等待遇。連子孫亦爲奴隸。時久民衆。不能忍受。以求平等。此其二。此皆法律之平等也。如謂社會上之平等。則執事嘗搭美國輪船。曾否見美國侍者向搭客婦女以求跳舞者乎。如謂職務平等。則歐美政學家。所謂出令與受命 *Command and Obedience*。是爲文明國組織之主要綱領。又何說乎。若謂平等無限制。則亂國矣。自由之名辭。法律與社會併用之名辭。又爲對待相解釋。對已而言。以不犯國法爲要素。對人而言。則我之身體生命財產。言論各有自由權。非經合法手續。我不受人苛待。如有非法待我。得向法院起訴。要求賠償。官吏爲政府經理人。如有違法待我。政府應負責擔認賠償。官吏應受相當處分。此法律上自由之要素也。社會上之自由。以我不犯人自由爲要素。如有人犯我自由。我得向法院起訴。要求賠償。於男女交際中。尤須謹慎。苟一失當。不但受法律之裁判。且爲輿論所不容。所以歐美男女隨便旅行。甚至男女乘車。同睡一房。而無敢侵犯其自由權者。則因各自尊重自己自由之權。歐美所謂文明國之有秩序者。藉此維持也。且自由名辭。由宗教而發生也。至於 *Right* 一字。原爲「直」字。卽左傳所謂賂以買直之意也。於法律之解釋。爲 *Power and*

Privilege。前者爲權。後者爲利益。利益與責任相對待之名辭。如我不犯國法。應受法律保障之利益。如有所犯之罪甚輕。彼不能科我較重之條。此亦我受法律保障之利益也。如我卜居於此。我應依照本地方定章納捐。是我應盡之責任。則我應享受種種便利。是爲我應有之利益也。利益二字。應作如此解釋。今貴國譯爲權利。其利字似有誤解爲發財之利。權字之解釋。並非徧指爲官所握之權而言。若此解釋。則大錯矣。所謂權者。譬如我對我之住屋。我有保護之權。非得我之許可。他人不能擅入。此種名辭。歐人沿用已久。雖幼童亦知其義。貴國政治向屬君主。人民無議法之權。所以對於此等名義。不甚明白。又缺乏名家著述解釋。所以今日貴國人。以爲有權則有利。爲官即可發財。所見未免誤矣。報紙原爲代表民意機關。且負有導民之責。歐美各國報紙。遇有訴訟事件。無論刑民。原被兩方之問答。以及法庭之判辭。必有登載。使一般公民共知其義。余於貴國報紙。不甚見之。又歐美人民對於政治、法律、社會習慣。以及學術各問題。若有意見。可以投函報館請登。除有關風化或犯國法者外。報館多爲之登載。由是方有真確輿論發現。今貴國報紙。幾無此項文字。究竟是報館不肯登載。或是貴國人民對於國家及社會各事。漠不關心。是余之不可解也。尙有一事。

應請執事留心。貴國少年學子。往往留學外國。對於各門學說。未及深究。忽閱一二種當年政學家所著之學說。視爲無上寶貴。傳述於貴國。但未知此種學說。已經後人批評。幾無餘值。而青年學子尙視爲金科玉律。豈不誤國而誤人乎。歐人所謂學問若水。水能載舟。亦能覆舟。可不慎歟。總之一國有一國之風土民情。若不從歷史與民情之根本研究。而徒事抄襲。實自煩擾耳。德國民法。當年經名家二十餘年之研究。方成民法一部。故能得世界之稱傳。今貴國不顧國本民情。而專事抄襲他國文字上之法律政治。而不詳究政治與法律之精神。安能得當也。余在中國僑居多年。視中國幾爲我第二母國。日望中國之強。故我今日不知不覺。竟披肝瀝胆。謹爲執事陳之。甚望執事爲貴國少年陳之。不勝盼望之至云云。贊熙以此君所陳。皆爲經驗名言。今晚亦特爲諸君轉述焉。

總觀以上各國情形。鄙人對於我國前途。實抱樂觀與悲觀各半。樂觀者我國五族土地之廣。四百廿一萬八千四百餘方英里。回顧美國國土之自身。只二百九十一萬四千四百七十六方英里。歐洲全洲。僅有三百七十五萬方英里。我國比歐美爲較大。且我國礦產。比美尤多。人民亦較衆。如我國人肯效法美國人。各向工商業方面發展。則我國致富之機會。與

美國相等。只須誠實勤懇。抱定發展社會經濟之宗旨。往前辦去。無有不發達之理。自非歐洲各國所能與我爭衡。亦不足與我比擬。何也。歐洲各國。無論國土之大小。所有各國製造品。爲人民所用者。各均仿造。直不容他國製造品充物其市場。譬如望遠鏡。雖推德國製造爲第一。然而各國人民。亦必仿製。抵制外來。比國雖小。彼亦自造。以售國民。所以歐洲各國。欲在本洲他國推廣其商務者。殊非易易。其所倚賴推銷其商品者。專在殖民地。與半開化之國耳。今我國地大物博。只須將進口物品。逐一仿造。以銷國內。不但可以富強。且免外族垂涎。啓其攫取之念。證諸日本。可爲殷鑑。查海關十三年報告。每年進口之貨約值十一萬萬兩。合洋十五萬七千一百四十二萬元。循此以往。內地之發達。所增之數。每年約以一成計。又有一萬五千七百餘萬元。如將此款。留在國內。何慮民之不富。國之不強。不但此也。各國今在我國想種種方法侵略者。實爲我國不自圖強。專銷售外貨。所以各國均欲霸佔此商場。如我力行仿造。使彼貨無從銷售。卽無利益可圖。彼則不退而自退也。此余之樂觀也。所謂悲觀者。我國人如不出國門。只遊覽國內各處地方。亦似覺不失爲一大國。一至歐洲遊覽。見其山陬海澨之布置。不但我之首都。不足與其比擬。其旅館之壯麗。雖上海洋場內

最有名之旅館。亦不足與其比較。上海之外國旅館。若與美國紐約或歐洲首都比較。只可爲三等矣。其雄偉壯麗。可想而知。若以王宮而論。則我國之宮殿。只可爲人之馬廐矣。其文學之興盛。科學之昌明。商務之發達。工業之驚人。屋宇之整齊。人民之潔淨。地方之秩序。交通之便利。街道之寬闊。皆爲我國人夢想所不及也。上海南京路之馬路。在巴黎只好爲邊道也。此尙謂近代之文明。鄙人至義大利。碰碑古城游覽。其地方雖不甚大。而其設備。具有善組織之規模。有天壇神廟。大小戲園。菜市。審判廳。選舉場。演武場。洗衣場。土耳其式之浴池。誠不愧爲市自治之模範。所有建築彫刻彩畫。俱在我國之上。此城係在一千八百數十年前。爲火山所掩埋。挖出之遺跡。尙比我國今日之文化爲壯麗。則可見我國人尙在二千年以前之文化。過日。安能與人爭強也。不甯惟是。其民族體格之強壯。精神之充足。辦事之勤勞。費用之不虛糜。皆我國人所不及也。如將兩地情形。編爲影戲。不但外人見之。生輕視之心。卽我國人自看。亦爲氣短。如鄙人由馬賽乘輪回國。一出歐洲國境。所見埃及民族。只有三成教化。一到法屬。知不持商埠。見其民族。不啻野人。一至哥崙布。星加坡。西貢。見其土人。似乎只有三成教化。一入國境。見我民族之齷齪。似乎只有六成教化。余之心理尙如

此。况外人而觀我者乎。此爲鄙人之悲觀也。然而樂觀與悲觀。現居各半。將來如何結局。惟視我民族之自決耳。鄙人所謂自決者。不專在革命。亦不專在兵爭。徒傷元氣。於國何裨。於民何益。查民國十二年交通部所刻鐵路統計。內載鐵路正軌與枝路。計長七千二百六十八法里。四二二。其成本應合六萬二千九百萬餘元。在鐵路服務者。計有十餘萬人。我國自鼎革以來。內爭所損失。雖無確數可查。然以余估計。當在十五萬萬元左右。購買軍械。流入外國者。當在十萬萬以上。若以此築路。可以造成今日雙倍之路。直接可養二十五萬人。間接可養七十五萬人。百萬人民。可以無饑矣。夫民主國體。主權在民。自非君主時代可比。豈歐美之史乘。政治之學說。今日當局者。尙未寓目者乎。如此內爭。是何意見。此非鄙人所能解也。以鄙人意見。目下要圖。國人應效美國當年辦法。鼓吹輿輪。提倡統一。扶助中央。建成大國。如此。國本鞏固。人民安居。方能樂業。國民經濟充裕。方能強國。國有餘力。方能對外。挽回前清所失之主權。殊非難事。其次我國人。亟應提倡勤儉立身。勤以補拙。儉以養廉。砥礪廉隅。尊崇人格。辨別真是非。主持正公道。推廣民智。勉勵體育。方能與世爭雄。再其次。提倡各省人民。各就本地之工業設法改良。土產設法利用。調查外來之貨。奢華者勸勉不用。日

需者設法仿造。塞漏卮而裕民生。是不容緩。依天演之事理。但求循進。五十年可以小康。百年可以大成。此鄙人早晚之禱祝也。再者現在時代之圖強。不專在文學。乃在科學與經驗。苟無科學知識。對於各種問題。不能有系統解決之能力。無經驗。則無發明與改良之機會。當年史蒂芬森發明鐵路機車。亦全由經驗而來。是其明證。如學者不能從事改良與發明。卽終身爲學問之奴隸矣。何也。吾學未畢。而新理又出。跟人奔走。尙無了期。何能與人爭勝。此鄙人經驗之談。望諸君勿以吾言爲河漢也。且以鄙人所見。各國工業之發達。工廠之齊整。建築之美麗。交通之便利。市政之雄偉。皆爲工程遺跡。所謂工程司者。係包括土木、機械、電氣、礦務、化鍊之各項專門而言也。德國日本近來用電力以耕田。抽濬灌溉。俱用電力。人工省而收獲多。社會受益。殊非淺鮮。今以事理之推測。電氣與機械兩門學術之前途。方興未艾。諸君選學此門。實有見地。可爲諸君預賀也。

張公

415